

## **PRIJEDLOG**

Na osnovu člana 8. i člana 13. Zakona o principima lokalne samouprave («Službene novine FBiH», broj:49/06), člana 44., 45., 46., 47., 48. i 49. Zakona o vodama („Službene novine FBiH“ broj: 18/98) i člana 14., 22., 92., Statuta općine Visoko («Službeni glasnik Općine Visoko», broj:01/11) Općinsko vijeće na \_\_\_\_ sjednici održanoj dana \_\_. \_\_.2015.g. donosi:

### **ODLUKU**

**o izradi Izvedbenog projekta snabdijevanja pitkom vodom cijelog područja općine Visoko, sa prijedlogom dinamike realizacije i finansiranja projekta**

#### **Član 1.**

Ovom Odlukom se pristupa izradi Izvedbenog projekta snabdijevanja pitkom vodom cijelog područja općine Visoko, prema priloženom planu dinamike realizacije i finansiranja projekta. Ujedno predstavlja strateški plan rješavanja vodosnabdijevanja cijele općine Visoko.

#### **Član 2.**

Izvedbeni projekat snabdijevanja pitkom vodom cijelog područja općine Visoko će se izvoditi u više faza.

I faza obuhvata:

- Revitalizaciju i zaštitu glavnog gradskog izvorišta Vrutak sa proširenjem gradskog vodovodnog sistema.

Rok izrade 2015.godina.

Rok realizacije 2018.godina

II faza obuhvata:

- Rekonstrukcija gradske vodovodne mreže.

Rok izrade 2015.godina.

Rok realizacije 2020.godine.

III faza obuhvata:

- Snimak postojećeg stanja lokalnih vodovoda i izvora,
- Izrada elaborata zaštitnih zona postojećih izvora,
- Rješavanje pitanja upravljanja i uvezivanja lokalnih vodovoda u jedan cjelovit sistem.

Rok izrade 2016.godina.

Rok realizacije 2018.godina.

IV faza obuhvata:

- Uvezivanje gradskog vodovodnog sistema sa lokalnim vodovodima u jedan sistem (prsten).

Rok izrade 2020.godina.

Rok realizacije 2030.godina.

#### **Član 3.**

Za implementaciju ove odluke zadužuje se Općinska služba za urbanizam, stambeno-komunalne poslove i katastar nekretnina, Služba za finansije, privredu i lokalni ekonomski razvoj, Služba za opću upravu i inspeksijske poslove i JKP „Visoko” d.o.o Visoko.

#### **Član 4.**

Odluka stupa na snagu danom objave u Službenom glasniku općine Visoko.

**PREDSJEDAVAJUĆA**  
**Općinsko vijeće Visoko**  
**Mirela Mateša Bukva**

**Broj:** \_\_\_\_\_/15

**Datum:** \_\_\_\_\_/15

## OBRAZLOŽENJE

### PRAVNI OSNOV

Osnov za donošenje ove Odluke je sadržan u članu 8. i članu 13. Zakona o principima lokalne samouprave ( «Službene novine Federacije BiH» broj:49/06), a u vezi sa članom 44. članom 45. stav 1. i 2. članom 46., članom 47., 48. i 49. Zakona o vodama („Službene novine Federacije BiH“ broj: 18/98), i člana 14., 22., i 92. Statuta općine Visoko („Službeni glasnik Općine Visoko“, broj:01/11).

### RAZLOZI ZA DONOŠENJE

U cilju razvoja privrede i dugoročnog poboljšanja životnih uslova stanovnika općine Visoko Općinsko Vijeće je u martu 2013. godine usvojilo "Informaciju o strateškom rješavanju pitanja vodosnabdijevanja sa planom aktivnosti".

Strateško opredjeljenje Općine Visoko iz oblasti vodosnabdijevanja su centralizovanje vodnih objekata, nastavak vodoistražnih radova u cilju pronalaska novih vodnih resursa, objedinjavanje postojećih vodnih objekata u jedinstvene sisteme, uspostava zona sanitarne zaštite postojećih vodozahvata, kontinuirana kontrola kvalitete vode, te dodjeljivanje mjesnih vodovoda na upravljanje Javnom komunalnom preduzeću. U cilju realizacije navedenih aktivnosti Općina Visoko je finansirala Elaborat o detaljnim hidrogeološkim istraživanjima i ispitivanjima izvorišta „Vrutak“ i „Šećine njive“, glavni projekat dogradnje vodovodnog sistema Gračanica i Moštre 2013.godine.

Izvedbeni projekat snabdijevanja pitkom vodom cijelog područja općine Visoko će se izvoditi u više faza.

I faza obuhvata:

- Revitalizacija izvorišta Vrutak sa programom zaštite izvorišta,
- Proširenje gradskog vodovoda, odnosno izrada nedostajuće projektne dokumentacije vodosnabdijevanja kako bi se obuhvatila cijela Općina.

Revitalizacija izvorišta podrazumijeva: ugradnju opreme za monitoring izvorišta, projekat sanacije postojećih bunara, regeneraciju i sanaciju postojećih bunara, izrada hidrodinamičkog modela strujanja podzemnih voda na izvorištu, izrada projekta bunara BV-4 i izgradnja, elaborat o klasifikaciji i kategorizaciji rezervi pitkih voda i program zona sanitarne zaštite.

Za proširenje gradskog vodovodnog sistema potrebno je uraditi nedostajuću projektnu dokumentaciju vodosnabdijevanja: izvedbeni projekat sekundarne mreže Gračanica i Moštre, elaborat eksproprijacije glavnog voda i sekundarne mreže Gračanica i Moštre. Naselja koja nisu obuhvaćena prethodno navedenom dokumentacijom će biti naknadno riješena.

II faza obuhvata: Rekonstrukcija gradske vodovodne mreže:

- Izvještaj JKP „Visoko“d.o.o Visoko o stanju postojeće gradske mreže, grafički i tabelarno sa petogodišnjim planom rekonstrukcije.

III faza obuhvata:

Za realizaciju III faze potrebno je snimiti katastar lokalnih vodovoda i izvora. Za izvore uraditi elaborate sa programom zona sanitarne zaštite. Krajnji cilj je uvezivanje svih lokalnih vodovoda u jedan cjelovit sistem.

IV faza obuhvata:

- Uvezivanje gradskog vodovodnog sistema sa lokalnim vodovodima u jedan sistem (prsten).

**Služba za finansije, privredu i  
lokalni ekonomski razvoj**